



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Agatha. V. M. 5. Februarij.

urn:nbn:de:hbz:466:1-41940

S. AGATHA. V. M. 5. Februarij.

ANNO CC. LIV. AGATHA Catanam ad Quintianum Prætozem abducitur. Deperibat hic Christi sponsam. Quare eam Aphrodisiæ lenæ commendat; facile ratus fidei castrum evertere, ubi prodita pudoris arx conflagrasset. Ambulavit illa per omnes fraudes; sed cæcam ad munera, surdam ad blanditias & minas invenit. Itaque Prætor amorem vertit in odium, martyriq; u-bera auferri imperat. Tulit facile eam jacturam virgo, gnata Ecclesiæ sobolem non tam lacte matrum, quàm sanguine martyrum ali: sed nec uberibus diu caruit, medicinam D. Petro faciente. Quintianus, ex amatore jam carnifex, dum nudam in testatum fragminibus prunisq; volutari mandat, ecce mota insolite terra, cum duos supplicii auctores oppresisset, populum etiam ita commovit, ut re ad seditionem spectante, ad carcerem virgo reduceretur. Ibi inter vota animam in sinum amplectus Sponsi sui expiravit. Tumulum sepultæ Cælites marmore ornarunt cum hæc epigraphe: *Mentem sanctam; spontaneum honorem Deo, & patriæ liberationem.* Quintianus dum Panormum fortunas virginis direpturus trajicit, equorum calcibus in undas exturbatur, libi-

dinis & avaritiæ sitim positurus. Ajust
corpus ejus nunquam repertum septi
chro caruisse. Nimirum, ut castitas
Angelis, ita impuritas ne ab homine qu
dem meretur tumulari. *Ex Surio.*

*Christi exemplo vivendum est tibi, & pe
dicitia amator, si Sanctorum cupis habere
confortium. Ab immunditia & turpitu
dinis cogitatu pectus emunda, quoniam
nullos nisi sanctos & justos, simplices &
continentes cælestis aula suspiciet. S. Laur.
justin. Lign. Vitæ cap. 3.*

BB. XXVI. JAPONES M.M.

5. Februarij.

Nullam Oriens tam nobilem, quam
Martyrum mittit purpuram. Eam
anno M. D. XCVII. sanguine suo Ja
pones tinxerunt. VI. erant supra XX.
qui Meaci auriculâ mulctati, Nangasacki
in crucem acti ac lanceis sunt confossi.
Erant inter hos sex è D. Francisci, tres è
S. Ignatii familiâ; quorum constan
tiam ex discipulis, iisque pueris disce
Tres erant Saterdotum nuper ad aram
ministri, nunc ad crucem socii, ipsi
mox futuri Sacerdotes victimæ. Ex his
LUDOVICUS annorum XI. & emit
tendus è vinculis, si fidem fecisset mis
sam, respondit nolle se stultum merca
torem agere, & momentum immortalita
tate mutare; in loco supplicii suam
sibi